

PENGUMUMAN

PENGECUALIAN CUKAI KE ATAS MANFAAT BERUPA BARANGAN

Lanjutan daripada dialog bersama persatuan akauntan yang telah diadakan pada 8 Mei 2009, Lembaga Hasil Dalam Negeri Malaysia telah memohon pengesahan daripada Kementerian Kewangan berhubung pengecualian cukai ke atas manfaat petrol percuma, telefon dan bayaran bil telefon yang diterima oleh pekerja berkaitan dengan pengajiannya. Kementerian Kewangan telah memberi persetujuan seperti berikut:

1. Manfaat petrol percuma

Sebelum tahun taksiran 2008, pekerja yang melaporkan manfaat petrol mengikut nilai yang ditetapkan untuk petrol seperti di Lampiran 2 dalam Ketetapan Umum No. 2/2004 hanya dikenakan cukai atas amaun yang rendah dibandingkan dengan penggunaan persendirian sebenar. Oleh itu pengecualian ke atas penggunaan petrol persendirian telah pun dinikmati oleh pekerja. Berdasarkan asas tersebut, Kementerian Kewangan telah bersetuju pekerja diberi pilihan untuk:

- a. menentukan amaun petrol percuma yang dikenakan cukai mengikut nilai yang ditetapkan untuk petrol seperti di Lampiran 2 dalam Ketetapan Umum No. 2/2004 tanpa pengecualian diberikan; atau
- b. mendapat pengecualian bagi amaun petrol yang digunakan seperti berikut:
 - perjalanan dari rumah ke tempat kerja/dari tempat kerja ke rumah terhad RM2,400;
 - perjalanan untuk tujuan tugas rasmi terhad RM6,000

Sekiranya majikan tidak dapat menentukan amaun petrol percuma bagi perjalanan dari rumah ke tempat kerja/dari tempat kerja ke rumah dan perjalanan untuk tujuan tugas rasmi, pengecualian hanya diberi sehingga RM6,000.

2. Manfaat telefon dan bayaran bil telefon

Konsesi diberi kepada majikan untuk melaporkan manfaat telefon dan bayaran bil telefon mengikut nilai yang ditetapkan seperti di butiran 1, perenggan 3, Lampiran 2 dalam Ketetapan Umum No. 2/2004 iaitu:

Telefon (perkakasan): RM300

Bil telefon: RM300

Oleh itu majikan yang telah mengeluarkan Borang EA bagi tahun taksiran 2008 dan melaporkan amaun dikecualikan cukai mengikut nilai seperti di atas tidak perlu membuat pindaan ke atas borang tersebut.

Dikeluarkan oleh: Jabatan Dasar Percukaian
Lembaga Hasil Dalam Negeri Malaysia

Tarikh: 10 Julai 2009